

Euskal Diskoen Durangoko Azoka



SS-77 taldea.

OLALDE

Oihukak lau euskal talde bildu ditu disko bakarrean

LUIS KARIOS GARCIA / GASTEIZ

Rock gogorra egiten duten Julio Kageta, SS-77, Kiowak eta Pottoka taldeen artean disko bat osatu dute. Joandako udan grabatu zuten Elkarreko estudioetan, Cesar Ibarretxe-ren zuzendaritzapean eta Oihuka ziguilarekin argitaratuko dute.

Oihukak plazaratuko duen lehen-biziko euskara hutsezko bilketa dugu hau. Patxi Goñik, disketekeko ordezkariak adierazi zuenez, «orain arteko ildotik atera nahirik, talde ezberdin eta berriatzaileak elkartzen ahalegindu gara», taldeen zuzeneko emaldien bikaintasuna nabarmenduz.

La Polla Records, Hertzainak eta bestelako taldeek garai batean ezarri zuten «errespeto publikoa eta maila orokorra» berdintzeko izango dituzten zailatasunen jakitun azaldu zen Juanmi, Julio Kagetako bateria. «Teknika aldetik talde horiekin parekatzeko adinakoak gara baina, hori bai, lortu zuten irudi publikoa izugarria izan zen eta ez gara gu oraingoz horrenbesteraino iristen» aitortu zuen Juanmik.

Joseba SS-77 taldeko partaideak Gabriel Arestiren 'Egia bat esateagatik' poemari oinarrituta egin duten kantuaz hitzegin zuen. «Letra gustatu zitzaigun, besterik ez, eta musikatu egin genuen». SS-77 taldeak ba dituzte disko luze bat grabatzeko adina kantuak eta gogoia.



Pottoka.

Oskorri taldeak bere kantuen liburu bilduma argitaratu du

Juan Carlos Egillorrek kantu bakoitza marrazki banaz ilustratu du

Oskorri taldearen kantagintzaren islada zuzena da 'Ehun eta hamaikatxo kantu' liburua. Ehun eta hamaika kantuz gain, datu historikoak, diskografiaren azterketa, aintzinako argazkiak eta Egillorren ilustrazioak jaso dituzte bilduma honetan.

LOREA AGIRRE / DONOSTIA

'Ehun eta hamaikatxo kantu' liburua, ehun eta hamaika kanturen bilduma da, ez gehiago ez gutxiago. Hemezortzi urte eta gero, 1975. urtean kaleraturiko 'Aita semeak' singletik hasi eta iaz grabatu zuten 'Datorrena datorrela' azken diskoraino, grabatu izan dituzten kantu guztien bilduma osatu dute Oskorriko kideek. Urte guzti hauetan dena den, askoz ere kanta gehiago konposatu dute. Liburuari sarrera eta make-tazioa egin dion Josepe Zuazok liburuan adierazten duenez, «90etako hamarkadan sartzean, eta bereziki perspektiba honetatik, Oskorriren diskografia luzearen errepaso egin argi eta garbi ageri zaiguna zera da: hainbeste urtetan etengabeko lana egin ondoren, gure mutilen indar sortzaile eta berritzaileek osorik dirautela. Hamaika Lp (horietako bi bikoitzak) eta liburu honek biltzen dituen ehun eta hamaika kantu ez dira txantxetako emaitzak».

LIBURU SAIL BERRIA Orain hiru bat urte otu zitzaizkien oskorrikoei kantutegi baten kaleratzea. Natxo de Felipek aipatu digunez, «jende askok deitzen zigun, beste musikariei bezala pentsatzen dut, halako kanturen partitura edo akordeak eskatzeko. Hori ikusita gure kantagintzaren bilduma pentagrama eta guzti egitea erabaki genuen».

Liburuaren apailaketa eta burutze prozesu osoa taldearen esku egon da, Elkar argitaldaria kaleratu duen arren. Orotara hiru mila ale jarriko



Liburu hau burutzea orain hiru bat urte otu zitzaizkien Oskorrikoei. IMANOL MURUA

✓ «Gustatuko litzaiguke beste talde batzuk ere halako kantuen bilduma egingo balute, gero bilduma bat osatu ahal izateko».

dira salgai Durangoko Azokan. «Gustatuko litzaiguke beste talde batzuk ere halako kantuen bilduma bat egingo balute. Ondo legoke Elkar argitaletxeak talde ezberdinekin era honetako liburuak argitaratu eta bilduma bat osatzea». Horrelaxe proposatu die Elkarrekoei Natxo de Felipek.


Kanta bakoitzari dagokion marrazkia erantsi dio Juan Carlos Egillor ilustratzaileak; orotara berrehun ilustrazio inguru. Ondorioz hamaika

albumetako ehun eta hamaika kantu, eta beste hainbeste marrazki eta partitura akordedun ageri dira kantutegi honetan.

OSKORRI URTEZ URTE Oskorriren hainbat datu historikoz eta bere diskografiari egiten zaion ikerketaz gain, frankismoko garai haietatik egunerainoko Oskorriren argazkiek betetzen dute azkenaldea. Liburuan ageri diren testu guztiak bost hizkuntzetan daude: Euskaraz; Gaztelarazko itzulpena Santiago Burutxagak egin du; frantsesezkoa Lucien Etchezaharretak; ingelesez eta alemanez ere ageri dira testuok.

Aurtengo Durangoko Azokan eskura daitekeen liburu mardul hau, iazko azokan plazaratu nahi izan zuen Oskorri, «baina lana osatzeko eta marrazkiak ere bukatzeko zeudela eta aurtengorako utzi genuen».

Berrehun marrazki



Oskorrikoei kantuak marrazkiekin apaintzea otu zitzaizkionean, Erramun Landa ilustratzaileari eskatu zizkion. Orain urte bete eskas, Landak lana oso aurreratua zeukalarik eta liburuaren argitalpenerako prestaketak lotzen ari zirela, ilustrazioen originalen jabetzaren inguruan gaizkiulertu eta konponezi-nak sortu ziren. Oskorrikoei bere egin nahi izan zituzten eskubide guztiak, eta Landak ezetz erantzun zien. Eztabaidak ez zuen konponbiderik izan eta bertan behera utzi behar izan zuten ordurarte sortutako lana. «Lastima da Landak eginitako lan bikain haiek bilduma honetan ez agertzea. Benetan oso ikusgarriak ziren».

Beste marrazkilari bat bilatzén hasi ziren eta Juan

Carlos Egillorri eskaini zioten lana. Baiezkoa eman eta aurtengo udan Madriletik Bilbora joan zen Oskorriko taldekideengana, ilustrazio guzti hauek papereratzeko. «Gela batean sartu eta gure diskoak ipini genizkion Egillorri» kontatu digu Natxo de Felipek. «Ez da lan makala izan. Kantu bakoitza komentatzen genuen eta berak apunteak hartzen zituen. Doinuak eta hitzak irakurri genituen, eta berak ilustrazioak egin eta berregin. Horrela pasa du urte-ngo uda osoa».

Abesti bakoitzari berezko marrazki bat dagokio, zuribeltzean eta lumaz eginga, ehun eta hamaika beraz orotara. Baina beste larogitabederatzi marrazki gehiago ere egin ditu Egillorrek pentagrama eta testuen arteko hutsune eta zirrikituak

LABURREAN

TXOMIN Artolak kanta ezagunen bilduma osatu du

'Txomin Artola' izenburua duen diskoa ere Durangon aurkeztuko diren lan berrietako bat da. Hala ere Artola kantaria ez da bertan izango. Udazken honen hasieran albuma grabatu eta berehala Eskozia aldera joan bait zen. Bertan, nonbait, kantaldi batzu hitzemanak zituen. Dena den, eguberrietarako berriro ere gure artera bueltatuko da eta izango dugu parada bere kantaldiren bat entzuteko ●

GONTZAL Mendibilen 'Zu zeu' urtebeteko lanaren ondoren

Urtebete aritu da disko honen prestaketan Gontzal Mendibil, azkenik IZ disketean grabatu duen arte. Bederatzi abesti biltzen dituen 'Zu zeu' diskoarekin pop lirikoaren hildotik abiatu da Mendibil. Bederatzi kantu hauetarik, zazpi hitzak Mendibil berak eginak dira eta beste bienak Sarriñandia eta Pessoren poema banetatik aterak. Bere asmoen artean hurbilena Amerikako euskaldunentzat disko bat egitea du ●

JUNKERAK musika ezberdinekin fusionatu du trikitixa

Kepa Junkera trikitilariak bigarren diskoa burutu berri du. 'Triki up' albuma osatzeko Infussion jazz taldearen eta Oskorri taldearen laguntza izan du. Hamabost kantu berri bildu ditu lp honetan. Diskoa egunotan aurkeztuko badu ere, buruan du hurrengoa, lehiaketa bat irabazi eta saritzat disko berri bat grabatzeko aukera lortu eta gero. Ziurrenik Elkar argitaletxearen babesean grabatuko dute datorren urte hasieran ●

KAXIANOK 'Ongi etorri' diskoa aurkeztuko du

Grabatu eta kaleratu. Durangoko Azokan izango da salgai. Diskoaren aurkezpenean bera, abenduaren zortzian azokako aurkezpen aretoan egingo da, atratsaldeko sei t'erdietan. Lizartzako kantari eta soinu-joleak bertan argituko ditu bere azken lp honen inguruko xehetasunak ●